

明

史

七

清 萬斯同 撰

明史

七

〔清〕萬斯同 撰

上海古籍出版社

明史卷三百三十一

列傳一百八十二

李世達

魯同亨

第乾亨

舒化

辛自修

郝杰

溫純

裴應章

李盛春

趙參魯

張孟男

李楨

謝杰

李世達字子成涇陽人嘉靖三十五年進士授戶部主事久之改吏部歷考功文選郎中世達雅有藻鑑與陸光祖並爲尚書所倚辦隆慶初丁曾祖憂起右通政歷南京太僕卿萬曆二年以右僉都御史巡撫山東屬吏縱恣者雖有黨援必劾而罷之所推舉若蔣大爵范儒以貢士安建璞李選齡以知印楊果趙鯨以部吏多不拘常格由是人爭感奮博興兩電傷禾金鄉魚臺單曹河決沒田廬奏免其賦且加賑恤五年進右副都御史總理河道未上改撫浙江旋移疾歸十一年起督漕運兼巡撫鳳陽時黃河南侵淮安告警世達請修石堤捍城實應祀光湖風濤除惡戡苦漂溺請開越河散水勢俱報可明年遷南京兵部右侍郎召改戶部後改吏部進左侍郎十四年擢南京吏部尚書踰年就改兵部參贊機務俄召拜刑部尚書內官張德殿人至死世達請置不理不從刑

科唐堯欽以爲言德遂屬吏大興知縣王階捷樂舞生生下法司帝密遣兩枝尉偵之枝尉遽自言獻日巡風主事孫承榮拒之枝尉還奏帝怒詰世達世達引罪且言偵伺非體承榮卒奪俸東厥太監張鯨有罪言官交劾帝面貸之世達執奏帝爲屏鯨于外駙馬都尉侯拱宸召奸人爲僕奴考平民斃之僕既抵法世達請並坐拱宸乃革其任命國學肄禮罪人焦文聚法不當死帝怒而入之十七年朝審命戶部尚書宋纘主筆世達言于纘纘薄文聚罪忤旨詰問世達復據法以對帝卒不從時帝燕居多暴怒近侍屢以非罪死世達因災異言王公貴人乘一時之怒鞭撻殺人此等不附爰書孰爲泰當干和召災實由于此意蓋以諷帝也浙江薦饑或言宜令罪人出粟除罪世達言法不可廢寧赦毋贖赦則恩出于上而法猶存贖則力出于下而人滋玩識者題之十八年改左都御史兵馬指揮何价虐死非辜三人御史劉思瑜庇之世達劾奏帝錮思瑜秩令奉使還者嚴加考覈自是復劾罷韓介等數人臺綱爲肅帝時深惡言官下詔申飭責以按私報復世達言人品不同心術亦異劾忠持正者語雖過激心實無他即或心未可

知而言不宜廢並望聖明容納惟緘嘿取容依阿趨赴然後加之黜罰則謹言日進邪說漸消帝報聞時光宗未正儲位吏臣建請者多獲譴世達言列聖御極但有皇嗣即行冊立初未嘗舍長以待嫡其出謀多在冲齡無過時而廢學者今東宮未建恐左右觀望猜疑易起而皇子知識日開蒙養宜豫惟聖明亟斷又言諸臣爲國任事直言觸忌本不求名上能容之則美歸于上若以爲沽名而罪之則適彰其名且非所以勤直也帝皆不省二十一年與吏部尚書孫鑑同主京察作政府私人殆盡考功郎中趙南星被劾致官世達爭之反除南星等名于是世達求去不許其秋吏部侍郎趙用賢以絕婚事被訐世達明其無罪郎中楊應宿鄭材既訐世達遂連章乞休去世達練于事直而不激通而不隨有古大臣風歸七年卒贈太子太保謚獻肅

不應進太常少卿請急去萬曆初起大理少卿歷順天府尹宛平大興歲徵雜費萬二千金同亨力裁節微額爲減四年以右副都御史巡撫貴州御史劉臺得罪張居正同亨臺姊夫也給事中陳三謨欲并逐之因言同亨羸弱不任職詔調南京同亨遂移疾歸九年京察拾遺給事中秦耀御史錢岱等復希居正指列同亨名勒休致居正卒起南京太常卿召爲大理卿遷工部右侍郎督治壽宮節浮費三十餘萬十六年由左侍郎進尚書創立勾稽法歲月爲經收支爲緯吏不得施奸軍器歲自外輸者率不中程且費多請半收其直免軍民勞困又請減織造之半皆報可給事中楊其休請停減上供磁器同亨爲言不從汝安王妃奏乞橋稅同亨拒之帝竟如妃請內府工匠隆慶初赦至萬五千八百人尋汰二千五百人爲定制而中人濫增不已同亨既請清釐已得旨及移牒司禮監監臣還奏寢之其休既爭弗納十九年同亨弟乾亨請裁冗員裕經費京衛諸武臣謂減已月俸也大譁伺同亨出朝圖而誅之同亨連疏乞休不得請九門工成加太子太保同亨方廉直亮能制節謹度盛有時望不樂就榮利力乞歸詔許棄傳且奏

銀幣二十六年起南京吏部尚書力辭不拜三十年再起故官累辭乃就職時詔取制帛萬疋疋十金令工部輸金織監工部請與戶部協輸持不決同亨曰一帛十金估太浮矣第減五則費自省毋相競也議遂定時中使權礦稅者所在虐民同亨率同列極諫且曰上苟不罷下將自停不則民盡爲變天下事去矣三十三年大計京官與考功郎徐必達持正不撓是年北察失執政意中旨留給事中錢夢皋等數人南察及同亨自陳疏亦久不下同亨通給由入都遂引疾詔加太子太保致仕同亨初入吏部嚴嵩其

鄉人尚書吳鵬則父之同年生也同亨舉無私詔當止宿嘗公彌月不歸雅與羅汝芳取定向友善尚書楊博腐詆偽儒同亨奏記曰此中多闇修非可概斥即便陽假名義視呈身進取恬不知耻者孰愈哉卒年七十有五贈少保諡恭端弟乾亨

乾亨字子健少顯宦佚初下第從同邑羅洪先遊遂折節自檢束登萬曆五年進士除合肥知縣調休寧文田令下里井騷然乾亨苦區畫事集而民不擾十一年入拜御史會給事中馮景隆劾李成梁被謫乾亨抗言尚書張學顏曲庇成梁幾棄公論覆疏盛稱

成梁功以激上怒而重言官罪險猾無大臣節且汙黷狼籍諸事要津人知傾陷劉臺者王宗載阿奉助成者周諫于應昌不知寔學顏發擬也今宗載等已伏法學顏不可復居位疏入帝怒黜爲海州判官稍遷大名推官歷光祿少卿十八年冬勅兼監察御史閱視大同邊務劾罷總兵官麻貴以下十餘人大同故有土兵歲餉萬二十石率兵自徵之民間不勝繁擾乾亨議留兵二百餘盡汰之省餉過半屢奏構違事宜輒中機要諸武弁之詬同亨也大學士王家屏遺諭之曰天下有叛軍寧有叛臣若曹于禁地辱大臣

罪死不貸諸人恐乃散去尚書石星言乾亨疏本不為京衛發乃諸人誣辱貴臣大傷國體給事中鍾羽正等亦言之不報時議欲賞其罪家屏密竭力爭始奪掌後府定國公徐文璧祿半歲而治首事者以法乾亨尋進大理丞遷少卿考功郎趙南星以考察事被斥乾亨抗疏論執語侵執政復移書辨之執政不悅廷推巡撫者三俱不用遂引疾歸未幾卒乾亨為人剛介言行不苟與其兄並以名德稱

舒化字汝德臨川人嘉靖三十八年進士授衡州推官改補鳳陽入爲戶科給事中隆慶初三遷刑科都

給事中時穆宗頗任宦官告多從中下三年十一月
化言法者天下之公也臣等官以刑名宜爲陛下執
法請自今大小罪犯悉付法司訊報不當則臣等論
劾以章明憲若乃不合上指竟自勒行則愛憎喜怒
未必皆當而法司與臣等並爲虛設詔是其言冬至
郊闕帝咳聲報推諭陰陽始復之漸人主宜法天養
微陽詞甚切直踰月有詔言灾沴沴至由部院政事
不修令厥衛密察以聞於是舉朝震駭諸大臣皆引
罪乞罷化偕同列言國家設厥衛微巡輩下惟語奸
究禁盜賊耳若夫駕馭百官乃天子之權而糾察非
法則責在臺諫豈厥衛所得干今命之刺訪必將關
羅織之門逞機阱之術禍貽善類使人人重足累息
何以爲治且任厥衛者非能自廉察也必屬之番按
使苛刻驚見事盡起何所不至陛下不信大臣顧友
信若屬耶御史劉思賢等亦極陳其害帝並不從然
事亦竟寢有按尉員冕出北安門兵馬指揮孫承芳
見之疑有奸繫獄鞠訊詞連內官李陽春陽春懼訴
于帝言尉所負非死者出外乃死承芳不宜妄生事
刑按尉帝信之扶承芳六十斤爲民化奏臣嘗爲陛下
下言人主在上當使法信於下既獲請矣奈何以弗

信繼之請以陽春所奏下法司勘問不納四年熱審
請釋累臣鄭履淳李芳及朝審又請釋李已皆得宥
時高拱當國頗專恣化每事執爭路搭楊順以構殺
沈鍊論死拱欲爲措地謂順實首禍順死措可勿坐
化取獄牘示拱曰獄故無鍊名有之自措始措誡罪
首第罪順何以謝天下拱又議宥方士王金等罪化
言此道詔意即欲勿罪宜何辭于是益忤拱出爲陝
西參政再疏致政歸萬曆初累擢太僕少卿復以疾
歸十一年由南京大理卿召拜刑部左侍郎雲南緬
賊平帝御五鳳接受俘化當讀奏詞音吐洪亮進止
有儀帝目屬之會刑部缺尚書手詔用化化拜命即
上疏言陛下仁心出于天性故知府錢若廢知州友
復乾皆以殘酷得罪一論死一逮戍今請飭大小臣
僚各遵律例毋淫刑以戕民命又言大明律一書高
皇帝揭之兩廡手加更定今未經詳斷者或命從重
擬罪已經定議者又詔加等處斬是謂律不足用也
去冬雨雪不時兩京異灾頻見咎當在此帝優詔答
之會續修會典化因輯嘉靖三十四年以後事例與
刑名相關者三百八十二條奏之詔頒示中外十四
年應詔陳言諸信詔令清獄訟連訊讞嚴檢驗禁寃

濫而以格天安民歸本聖心帝嘉納焉帝既益習政事慮羣下欺罔間有訐發輒遣官逮捕牽引證佐文案累積煩事多不核化言主術貴執要不當侵有司徒使人歸過於上而下反得緣以飭非潞王府小校以事為兵馬司吏目所笞帝怒逮吏目詔獄掠至死又罪其捕卒七人化爭之詔但罪為首一人餘並獲宥明年京察拾遺南京科道誤及化衆憤請辨化嘆曰安有大臣被口語自貶剖白者義有去而已且言官糾拾法也寧吾一人受枉可使國法自此不行哉遂三疏乞歸帝不許會盛著當處囚復起視事中貴

傳帝意宥重辟三十餘人化爭不可詔卒從其議帝稱病篤乃聽歸卒贈太子少保謚莊恪

辛自修字子言襄城人嘉靖三十五年進士除海寧知縣案無留贖他邑獄訟多贖或焉課最擢吏科給事中奏言吏部銓注遠才要矣量地尤急通京府屬吏以大計去者十之五豈畿輦之下獨多不肖哉良以地艱而事繁也請自今量地劇易以除官量事繁簡以注考廉賢士不格於求備而中才亦得自全吏部善其言請令撫按舉劾如自修指俄巡視京營內府軍器兵仗二局掌以宦官率耗盡不中程用自修

言命工部及巡視官督理已主者沮之第令部臣關視而已時鎮遠侯顧寰典營務協理則食都御史李燧自修以二人不勝任請飭戒寰罷燧別用從之歷遷禮科都給事中誠意伯劉世延典南京後府素不法至是自陳鋪揚功伐語多怨訕于是自修極論其奸詔革任禁錮時凡王府奏請禮部吏率繕延待賕自修請剋限期覆劾不如期者詔可隆慶元年給事中胡應嘉言事罷斥自修抗故未幾論奪尚書顧可學徐可成侍郎朱隆禧郭文英贈謚以可成由黃冠文英由工匠可學隆禧俱以方藥進也擢太僕少卿引疾歸萬曆六年起應天府丞再遷光祿卿八年以右僉都御史巡撫保定六府奏減均糧里甲銀六萬兩增築雄任丘二縣堤以禦海沱水患先是每防秋巡撫移駐易州獄所部供費至是防秋已罷而徵費如故自修奏已之入歷大理卿兵部左右侍郎十二年擢南京右都御史有御史沈汝梁者巡視下江用餽遺為名盡括所部贖錢自修得其狀劾奏之時帝方欲懲貪吏得訊喜遣中使至內閣問辛都御史汝官未久即糾發屬僚趙都御史錦雅號公正二三年間不聞論一人何也閣臣中時行言南都地遠法施

故有貪吏若穀下固應不同帝乃命達治汝梁已而錦憂去特召自修代之十五年大計京官政府欲庇其私人去異己者吏部尚書楊巍承意指惟護自修患之先期上奏請勿以愛憎為喜怒排抑孤立之人帝善其言而政府不悅有朝士貪競者十餘輩皆政府所厚自修欲去之給事中陳與郊自度不免遂言憲臣將以一青囊人一舉空國於是自修所欲斥者悉獲免已而御史張鳴崗等拾遺首工部尚書何起鳴起鳴故以督工與中官張誠厚而雅不善自修或謂起鳴曰公有內主倘能攻自修去則大樞執政意即與偕歸他日當不失故物也起鳴大喜遂許自修挾讐主使而與郊及給事中吳之佳助之于是御史高維嶽趙卿張鳴崗左之宜不平劾起鳴飾非詭辯時帝已入張誠言頗疑自修得既益不悅曰朝廷每用一人言官輒紛紛排擊今起鳴去爾等灼見孰堪此任者其亟推舉毋辭又言大臣當純心奉國德過幸非不宜挾私辜委任獨指自修也維嶽等具疏引罪無他推舉帝怒遂悉出之外給事中張養蒙申救亦奪俸自修不自安亟引疾歸自修剛介端亮其進也非執政意故不為流俗所容二十年起南京刑

部尚書明年春復以工部尚書召未上卒贈太子太保謹肅敏
郝杰字彥輔蔚州人父銘御史杰舉嘉靖三十五年進士授行人擢御史隆慶元年巡按畿輔中使捕免寶坻賤禾稼杰奏乞罷還其冬寇大入永平疏請竭昌黎樂亭撫寧盧龍糧賦且言比年以來罰行于文臣而弛于武弁刑及于主帥而畧于偏裨致將不用命臨敵先奔請飭法以振國威俱報可已劾劄督劉燾巡撫取隨卿擁兵觀望寇退則斷割死者妄報首功又奪遼東將士捧捷厓戰績肆為誣罔并論副使沈應乾遊擊李信周冕罪帝為黜應乾下信冕獄燾隨卿還籍聽勘明年春詔遣中官李祐督蘇杭鐵造工部執奏不從杰率同列上言往登極詔書已罷撤織造官甫一年而敕使復遣非帝王畫一之政也且東南賦役煩苛民力殫竭不堪更擾乘輿御服所用幾何而工費徵求率踰數倍內臣聲勢最赫有司剝下奉之愚故將謂陛下為惠不終損聖德非小帝終不聽未幾駕幸南海子命京營諸軍盡從輔臣徐階尚書楊博等諫不聽杰復與同官爭之卒不獲命刑部侍郎洪朝選以拾遺罷上疏自辯杰等劾其違

制遂削職以嘗論高拱非宰相器爲拱所嫉及拱再召杰遂請急去六年拱罷起故官旋以私議張居正逐拱非是出爲陝西副使歷浙江按察使再還山東左布政使被劾責降遼東苑馬寺卿兼海道兵備久之以勞加山東按察使十七年擢右僉都御史巡撫遼東明年寇大入塞督諸將擊走之獲首功二百八十錄一子官時孝成梁爲總兵官專結納中朝貴要及督撫共事諸臣相與爲詆欺寇每入塞則歛兵縱其殺掠既退始潛兵尾之稍襲老弱爲功否則掩殺難民誠死人充級或乘虛出掠零部誘殺附塞者虐張功伐如是積二十年杰至獨不與諸將比功羅必準其實十九年春成梁用叅將郭夢徵策使副將李寧出襲板升失亡無算猶以所獲老弱二百八十級飾功要叙杰曰吾敢以罪爲功誣明主哉具奏草直言其故如故事要總督巡按奏違共奏違駭駭運之杰不從復以故草往達竟匿其草白爲一奏論功巡按御史胡克儉憤甚盡發成梁達隱蔽狀帝雖以閣臣言置不問朝議終以杰爲不欺其冬進右副都御史巡撫如故明年日本陷朝鮮達還遣裨將祖承訓以三千人往禦皆沒事聞杰亦被劾帝特免之時

朝鮮王避難將入遼杰請擇境外蕃地處之且周給其從官衛士報可尋遣兵部右侍郎總督薊遼保定軍務又明年春召理戎政進右都御史日本封貢議起杰曰平秀吉人備耳職屬國欺王師罪不勝誅願加以爵命使荒外聞之不將謂中朝無人乎議不合從南京戶部尚書移疾歸久之起南京工部尚書就改兵部叅贊機務卒官贈太子少保溫純字景文三原人嘉靖末進士由壽光知縣徵爲戶科給事中隆慶三年穆宗既禪除猶不與大臣接純請遵祖制廷訪羣工親決章奏報聞累遷兵科都給事中貴州總兵官安大朝討土官安國亨敗績純請并罪巡撫王諄諄坐解職倭陷廣東廣海衛大殺掠而去總督劉燾以戰却聞純劾燾欺罔時方召燾督京營遂置不問黔國公沐朝弼有罪詔許其子昌祚襲爵純言朝弼事未窮竟不當遽襲中官陳洪有寵請封其父母純執不可言官李己石星獲譴抗疏救之初趙貞吉更營制三營各統一大將于是以恭順侯吳繼爵與五軍而都督袁正焦澤典神樞神機二營繼爵與王等同列國辭帝爲罷二人盡以魚臣易之純言宜廣求將才毋拘世爵不納已而復命

丈臣三人分督之時號六提督統以政令多門極陳其不便遂復舊制傳答諸貢市高拱定議許之純以爲弛邊備激寇心非中國利拱惡其異議出爲湖廣叅政引疾歸萬曆初用薦起官河南十二年以大理卿改兵部右侍郎兼右副都御史巡撫浙江躬行儉素以風勵羣吏所下教令率簡易可行甚有威惠入爲戶部左侍郎進右都御史督倉場母憂去起南京吏部尚書召拜工部尚書以父老乞養歸既終喪二十六年召爲左都御史時礦稅使四出所至逞毒有司連繫累繫純極陳其害請盡釋之不報已而諸奄益橫所至剽奪汙人婦女不異盜賊而四方無賴奸人盡起言利有請開雲南塞外寶井者或又言海外呂宋國有機易山素產金銀渡海取之歲可得金十萬銀三十萬或言淮揚饒鹽利用其焚歲可得銀五十萬帝並欣然納之遠近駭震純言緬人曩爲邊患雖幸撫之其心未嘗一日忘中國今已蹂躪變莫迫逐三宣撫矣寶井一開兵端必啟庸人且能知之陛下奈何不察也余元俊一鹽犯耳彼數千之賄不能輸而欲徒手得五十萬金將安取之不遏思既已罪肆惡以快志耳機易山越在海外必無過地金銀任

人往取况稅監之威能行於中國決不能行於外夷不過假借召旨闡出禁物與者人市易利歸羣小害貽國家乞盡捕諸奸人付臣等行法而亟撤稅監之爲民害者亦不報當是時中外爭請罷礦稅帝悉置不省純等憂懼不知所出乃倡諸大臣伏闕泣請帝震怒問誰倡者對曰都御史臣純帝爲霽威遣人慰諭曰既且下卿等休矣乃退已而卒不行三十二年廣東李鳳陝西梁永雲南楊榮並以礦稅激民變純又抗言稅使竊弄陛下威福以十計叅隨棍籍稅使聲勢以百計地方奸民竄身爲叅隨爪牙以萬計宇內生靈困于水旱困于採辦營造轉輸既累然喪其樂生之心安能獲勝此千萬虎狼耶願即日罷礦稅建鳳等宜於理亦不報先是御史顧龍禎巡按廣東與布政使王泮語不合起殿之泮即棄官去純聞劾罷龍禎御史于永清儉人也往巡撫陝西有貪聲懼純舉奏倡同列疏救龍禎顧與純示異以脅制純又教搆是非與都給事中姚文蔚比而傾純純不勝憤上疏盡發永清交構狀并及文蔚語顧侯首輔沈一貫一貫等疏辯帝爲下永清文蔚二疏而純劾疏留不下純益憤三疏論之因力丐罷帝乃謫永清而純

自是與一貫忤矣吏科都給事中陳治則給事中鍾
兆斗皆一貫私人先後劾純御史湯兆京不平既斥
其妄純求去章二十上杜門者九閱月帝雅重純諭
留之純不得已強起視事及妖書事起力為沈鯉郭
正域辨誣楚宗人戕殺撫臣純復言無反狀一貫怒
益深三十二年大計京朝官純與吏部侍郎楊時喬
主之一貫所欲疵者兆斗及錢夢皋等皆在謫中疏
入父之忽降旨切責盡留被察科道官而察既仍不
下純求去益力夢皋兆斗既得留則連章訐純楚事
言純曲庇叛人且誣以納賄廷臣大駭爭劾夢皋等
夢皋等亦再疏劾純求勝俱留中己南京吏科給事
中陳嘉訓等極論二人陰有所恃朋比作奸當亟在
之而聽純歸以全大人之體帝竟手批夢皋等前疏
予純致仕夢皋兆斗亦罷歸純清白奉公五主南北
考察澄汰悉當肅百僚振風紀時稱名臣卒贈少保
天啟初追諡恭毅

裴應章字元閣清沅人隆慶二年進士授行人擢吏
科給事中萬曆初三遷兵科都給事中御馬太監陳
輔託言駕出馬乏請太僕馬三千匹應章言御馬飼
秣費歲二十萬金苟馬不足則金有侵耗即馬足今

日不宜濫乞宜命官覈之詔乃減半中都副留守于
嵩為守樞中官廖欽所劾兵部白嵩無過帝入欽言
罷嵩應章抗疏伸部議不納考察軍政錦天會書王
之化等當罷有私於應章者執不許竟劾之四年春
詔遣大臣三人閱視諸邊以兵部司屬從應章以大
臣行違供張送迎不能無擾請罷之無已則省司屬
格不行莊浪軍謀焚監司署總督石茂華以節制不
嚴請罪叅將裴尚質巡按耿鳴世則以給餉踰期為
副使鄒廷望罪應章言二人法當並按但軍之諱不
由之餉則尚質罪尤不可貸至驕軍悖驚急宜懲創
論者以為兄薊鎮屬夷炒蠻入犯前總兵湯克寬等
追擊死之巡按御史劉良弼劾失事諸將并及總兵
官戚繼光巡撫王一鶚應章論繼光訓練南兵初無
實效章並下兵部尚書譚綸右繼光與一鶚並停俸
應章以罰輕復爭之竟不從己劾貴州拋兵官吳國
大罪十帝為罷國語責撫按之不糾者應章居兵垣
父評覈功罪數晰事宜號為稱職六年擢太僕少卿
養馬戶馬斃因逮直應章為請多所蠲減累遷太常
卿奏祀典當釐者四語詳禮志十六年鄧陽兵變奪
巡撫李材詔改應章右副都御史往代之至則戮其

渠魁而省脅從亂遂定召拜戶部右侍郎父老乞歸省遭喪服除起故官尋改吏部進左侍郎尚書恭園珍致政應章署部事會帝以擢舉事積愆吏部數應章會都察院甄別前後諸司屬已而列上帝不盡從於是削籍者四人改用者十八人僅五人得留一時銓曹賢才殆進廷臣皆言謹誦過多弗省也二十八年拜南京工部尚書以鷹架楠木爲民累請罷之謝病去久之起南京吏部尚書屢辭不拜卒於家贈太子少保天啓初賜諡恭靖應章初官京師與御史侯官蔡夢說給事中靳州李盛春以名節相砥礪故三人歷官皆有聲夢說至布政使盛春字淑元隆慶五年進士改庶吉士萬曆初授吏科給事中奏言捐貲之例但可假以冠帶不宜授州縣佐貳使之牧民於是遂罷進右給事中出爲廣東左叅議乞休去用給事中姜應麟薦起江西右叅議歷右僉都御史巡撫保定中官王虎以採礦至盛春極言地接山陵不宜開鑿帝命妨陵脈者置之勿撓沮虎遂遣爪牙四出大爲民害盛春悉捕繫之虎怒劾盛春抗旨嚴詔切責令盡釋繫者虎於是益橫比閭閻然盛春復抗疏極論帝憚其詞切留不下盛春素直亮廉慎故能

力戰強暴貪吏皆斂跡以士鑒別部內附進右副都御史旋改南京兵部右侍郎未上會京察自陳帝獨嘆其前疏遂令致仕久之卒天啓初追諡恭質趙參魯字宗傳鄆人隆慶五年進士遷庶吉士改戶科給事中萬曆二年慈聖太后作廟涿州以祀女神工部及工科吳文佳執奏不從參魯抗疏斥其不經且言近者南北被寇流害生民興役濬河鬻及妻子陛下先後發帑治橋建廟已五萬有奇苟移賑貧民恤福不更大哉亦不聽內廡歲支粟可五萬石然馬無幾參魯請勅實從之其冬南京閩人張進解辱給事中王順其長已擄治奏請革斥而給事中鄭岳南京給事中楊節等交章論未報參魯復上言進乃守備中官申信之黨不併治信無以厭人心時信方結司禮馮保保怒張居正承保指奪岳等條請參魯高安典史巡按御史撤主白鹿書院居二年遷饒州推官擢福建提學僉事時居正嚴法懲學校諸學使者操士如束濕參魯獨從寬簡一日得父書心動立投牒乞歸撫按堅留之不得至則父果病踰年與母相繼歿執喪毀瘠服除仍督福建學政十一年入爲光祿少卿三遷南京太常卿故事百官賀壽壽更衣

謁孝陵長至亦先賀冬而後陵祀參魯疏言祝釐之日有事輦園則歡情不暢祀陵之禮反後朝賀則莫獻不虔請正其誤報可十七年以右副都御史巡撫福建申嚴海禁捕戮姦商通倭者親行海上蒐軍實詰戎兵疆事大飭部內寶璽瑞應二銀坑有吏援寺奸究叢焉僧大還者貴緣官掖齋所賜藏經銅佛儀仗聲言來止走提所至恐喝有司參魯怒毀寺徙其僧大還聞逸去海上番僧效仿香山故事建寺內地參魯奏禁之琉球貢使報倭將入寇參魯募水卒增戰艦費踰三萬皆奏留邊餉不以煩民漳州卒諱諸司恐爲變欲勿問參魯曰是廢法養亂不可縛其黜誅之軍帑有羨悉以饗士比還大理鄉籍二萬兩授代者銖黍無私焉二十年召爲刑部左侍郎改兵部旋改吏部日本封貢議起參魯以貢必道寧波恐貽桑梓害力持不可總督顧養謙聞之不憚既爭於朝且言參魯于倭情最熟宜令任之章下廷臣參魯復持前說因署東封三議辨利害甚析其後封事卒不成在吏部與尚書陳有年文選郎顧憲成同志銓叙一清二十二年拜南京刑部尚書南京法令久弛參魯力杜請託僥倖者不得逞誠意伯劉世延素驕恣

不道至是姜指星象欲起兵勸王語甚悖被劾下吏參魯當以死世延寤反誣參魯參魯不爲動南京工部主事趙學仕以侵牟爲侍郎周思敬所劾初擬請成學仕移罪家僮法司遂于輕比御史朱吾弼復劾之井及參魯言學仕爲大學士志舉族父故參魯庇之給事中劉道亨侯廷佩亦相繼劾參魯既辨且乞休吏部尚書孫玉揚等言參魯履行素高不當聽其去詔留之九載考績加太子少保帝知參魯雅有清望欲用爲吏部大學士沈一貫以同里引嫌乃已又三年加太子太保致仕卒年七十三謚端簡子體仁以任仕至刑部郎中清白有父風

張孟男字元炯中年人嘉靖末舉進士授廣平推官隆慶二年以治行高等召瀕行失巡按御史意中之銓司故事考選者十九得給事御史問注部曹而景殿一人爲府佐孟男竟得漢中同知入爲順天治中還刑部員外郎改禮部進尚寶丞治中輅歲暮秩五品賜從嚴員外郎則稍減尚寶丞素常不得執象笏人爲嘲曰張公三官賜戒半官無厚索帶花落象齒不足繼以竹孟男殊安之高拱以內閣兼吏部門生戚屬皆都要地出入干謁無虛日拱妻孟男姑也獨

守聞曹自如公事外無私謁歲時一起居其姑而已拱嘗語其妻爾家尚璽何疎我妻謝曰公在事不以妾故私此子此子亦不以妾故干公妾知免矣拱一笑意解及拱被逐踰牆出國門所親皆避匿不相聞孟男乃獨留拱師佐治菜餞之郊外慰藉備至拱感動垂涕而別張居正初得政頗留意人才或勸孟男雁就之笑曰鄉親者尚疎今乃令疎者親乎居正初亦重之三遷南京太僕少卿孟男踰牆無所報謝大夫居正意四歲不遷萬曆十年居正沒始進本寺卿歷太常大理卿工部右侍郎皆在南京尋召至以本官掌通政司事十七年八月帝始倦勤不視朝孟男疏諫曰祖宗朝日在御門臣司日奏事凡中外章疏急則應時裁決緩不過三日率卿前承旨下之諸司今陛下八月不視朝矣災異頻仍坤靈震動年穀不登人相啖食羣臣久不見至尊進無所關其忠退而上書置不省天地否塞萬幾日隳改圖何以銷塞災異日者嶺南人訟故都御史李材功蔡人訟故金曹世卿枉章并留中其人頗繫兵馬司案牘不繼莫必其生虧損聖德無此為甚奏入帝心動乃問一御門其冬改戶部廷左侍郎明年拜南京工部尚書又明

年既改戶部時倉儲僅支二年孟男患之請重督辦大臣權課殿最自是歲入始登有七年之蓄部諸郎出權稅者多擇便利自饒孟男為定制以先後為序諸郎多不悅謗之南京御史陳所聞遂劾孟男貪鄙章下吏部尚書孫繼自南部徙雅知孟男言孟男忠誠謹恪臺臣所論事由郎官不待勘而後明也帝乃留之孟男求去詔不允且命核主事江來岷出納弊而孟男再疏請詞加切乃聽歸二十五年召拜故官時度支漸訕往往取給于南部南部亦不支孟男始至歲吏言庫金不滿五萬僅充兩月餉孟男蹙然連多方撙節酌緩急時贏縮責速員僅乃得無乏南中修倉例屬工部孟男以羨金二千營之工部不知也尚書裴應章久乃知之數曰廉不近名張公之謂矣時南都大僚多缺員孟男嘗兼攝三署三十年春率同列上言頃有詔罷礦稅寓內生民歌舞相慶不謂聖心旋悔輟而弗行致官寺益張奸究愈恣人心離叛憂在土崩幸深察羣言亟為社稷計不報六年考績加太子少保自再起南都又十年五上章乞骸不許時礦稅患日劇民不堪命孟男疾革遺疏數千言極陳其害且言臣係員地官所徵天下租賦皆需

男市女腹膏剝肉之餘也臣以催科爲職臣得其職而民病矣聚財以病民虐民以擅國有臣如此安所用之臣不勝哀鳴非哀其身之死爲陛下懷杞人之憂耳其言沉痛屬其子上之以當尸諫明日遂卒孟男篤厚長者性獨介子死官署吏以百金治含發諄所由來曰羨也孟男曰奈何以私喪費公帑拒不受既卒南京尚書趙參魯等奏其清忠贈太子太保李禎字維卿安化人隆慶五年進士除高平知縣徵授御史萬曆初傳應禎以直言下詔獄禎與同官喬巖給事中徐貞明擁入護視之坐謫長蘆運使知事轉歸德推官入爲禮部主事三遷順天府丞十八年洗河有警禎家西陸給邊事盛言貢市非策因歷數邊吏四失帝以納款已二十年不當違咎始事遂報其議以右僉都御史巡撫湖廣條上課吏教事言知縣梁道凝素循吏反注下考宜懲挾私者以勵其餘薦舉屬吏不應專及高秩卽下條卑職有如趙鏡揚果者亦當顯旌之鏡果萬曆初以吏員起擢者也詔皆報可二十年召爲左僉都御史再遷戶部右侍郎趙用賢以絕婚事被訐戶部郎中鄭村復訖之禎直用賢駁材既非是語侵其父洛材憤復疏訖禎遂

乞休不允御史宋興祖言朝廷之留禎欲其表率僚屬也顧禎與村黨猶不同勢不并留倘念禎清節雅操宜在朝端乞改村他部使之避禎全大臣之體乃出材於南京禎尋調兵部進左侍郎二十四年日本封貢事債首輔趙志臯本兵石星俱被劾廷臣議戰守者紛然章悉下兵部禎等言今日所議惟戰守封三事耳封則李宗城雖微揚方亨尚在若遽議罷無論中國數百人淪於異域而我兵食未集勢難遠征宜令方亨靜俟閩白來迎則封不迎則止我惟以戰守爲實務而相機應之且朝鮮素稱守禮王師所屯宜嚴禁擾掠如諸葛亮屯田渭濱魏民安堵如越方爲王者之師得旨如議而疏內言志臯星當去有詔詰禎昨詔止令議戰守事安得擅及大臣去留姑弗問志臯自是不悅禎明年二月星得罪命禎攝部事禎以平壤王京釜山皆朝鮮要地請修建大城興屯開鎮且列上戰守十五策俱允行後人欽上方畧多合機宜四川被寇禎言川陝接壤而松潘向無寇患者以諸番爲之屏蔽也自俺荅西牧隴右騷然其後隴右倭嚴賊不得逞而禍乃移之川矣今之諸番種半折入於西部臣聞地圖從北界迤西間道幸蜀地

多不隔三舍幸賴層巖疊嶂屹然天險如鎮虜堡爲
障隴門戶紅橋關爲松城咽喉蘭堡之外或崩或崖
皆可據守守阿玉嶺則不能越咽喉而窺堡守黃勝
塲則不敢踰塞墩而寇關他如橫山寨石崖尤爲要
害皆當並議防禦令撫鎮臣計畫以聞報可預賞直
剛方署事規畫頗當有欲即用爲尚書者志臯以故
憾陰沮之而張位沈一貫雅與經畧邢玠經理揚鎮
通亦不便積所爲相與言積本非將材惟蕭大亨堪
任帝不聽其後玠鎬益無功志臯等又言東征之事
臣等日夜憂之今以振筦之任付積而積拘守文義
未嫻軍旅猝有不虞誰其代者積求罷復見留御史
況上建勅積庸鄙帝亦不聽已而甘肅缺巡撫積以
劉欽寬名上給事中楊應文言欽寬方坐事勘不當
推舉帝以語積積言前奉詔欽寬須巡撫缺用臣故
舉之帝怒積不引罪調之南京後考察南京言官拾
遺及積逆命致仕三十七年起南京刑部尚書踰年
復引疾不俟報徑歸帝怒大學士葉向高上言李積
實以病去豈可深責臣思十餘年來大臣乞身得請
者百無一二如輔臣李廷機部臣趙世卿皆羈留數
載既至百餘上今尚書孫丕揚李化龍又以考察軍

政既不下相率求去若復踵積轍實傷國體但諸臣
求去之故亦有數端如疾病則當去被言則當去不
得其職則當去此皆出於至情誠欲禁諸臣之擅去
必先曲體其情可留留之不可留則聽之毋事虛拘
如此臣子之進退朝廷之體統均不失矣帝竟奪積
職閒住未幾卒
謝杰字漢甫長樂人萬曆二年進士除行人偕光祿
少卿蕭崇業冊封琉球却其餽賄既還朝其使入謝
仍以金餽卒言於朝而返之以奉使勞擢光祿丞進
少卿署寺事內庭有宣索多執奏歷兩京太常少卿
故事南京歲祀懿文太子凡九率以祠祭署官奉祀
杰言祝版署御名而遣殿者將事於禮爲褻請如哀
冲莊敬二太子例遣列侯代帝是之乃用南京五府
僉書官累遷順天府尹二十一年以右副都御史巡
撫南贛時屬吏被薦者多修謝杰曰賄而後薦干戈
之盜薦而後賄衣冠之盜人以爲名言建南京刑部
右侍郎二十五年春杰以帝薨於政事既陳尸規言
前此媚于兩宮色養繼一今則定省久曠慶賀亦疎
孝安太后發引并不親送前此太廟時饗罔弗躬親
今則每饗皆代前此經筵臨御聖學日勤今則講官

徒設講席久虛前此宵衣旰食星視朝今則高拱深居累年不出前此旱魃為虐安禱郊壇今則園丘大報久缺齋居宸宮告災亦忘修省前此四方旱澇多發帑金今則抹礦擅稅字內騷然前此用財有節府庫充盈今則歲進月輸度支告匱而江右之磁江南之紆西蜀之窟閣中之絨率取之逾額前此禁閑諫言獎用直諫今則封事甫陳嚴綸隨降但經廢棄永不賜環前此撫卹宗室恩義有加今則焚藩見誣中璫旋出以市井奸究間骨肉懿親事既烏有刑猶緩加前此官盛任使下無曠錫今則大僚廢虛庶官不補政事怠廢百職不熙是陛下孝親尊祖好學勤政敬天愛民節用聽言親親賢賢皆不克如初也不報召為刑部左侍郎三十年冬擢戶部尚書督倉蕩時四方遇災率請改折是歲漕粟至者視舊額僅三之一大以為憂請歲運必三百萬以上方許議折毋藉口災傷輕聽祖制從之明年杰以漕舟踰期不至為齋沐虔禱是冬河水不合舟得畢達人以為異天明年暴疾卒官初杰父教諭迂家家居老矣族人假其名通賦縣令韓人劉禹龍言於御史達之杰代訊幾斃後撫讀未嘗修郡時服其量

論曰世達以下諸臣立朝半采實不愧於古人如國本邊務厭衝計典言路礦稅諸大事不憚披陳強諫爭執不撓故雖時事隱微衆言淆亂而維持國勢不至墜隕亦諸臣之力居多也然並以失執政意齟齬潦倒鮮克有終惜哉